

Recite mi, reći ću vam - ko sam ja

U utorak, 17.12. 2013. godine, provela sam dva divna sata sa učenicima osmog razreda. U ta dva školska sata mi smo crtali simbole koji nas najbolje opisuju, pisali drugarima što mislimo o njima, i lijepo i ružno, razgovarali o osjećajima koji su nas preplavili i ispunili naša srca.

Iz tog rada i razgovora nastali su iskreni mladalački radovi.

Pročitajte !

DRAGI JA !

Dragi ja,

Osim onoga što si želim sve najljepše i znam da to zvuči sebično, ovako otvoreno kad se kaže, ali svi sebi želimo sve najljepše i najbolje. Često sam sebična i tvrdoglava, samo zato što ne volim kada nisam u pravu, i kada sam i sama svjesna toga, znam da je to jako loše, u zadnje vrijeme pokušavam to da promijenim i mislim da mi odlično ide. Još jedna stvar koja me kod mene živcira je ta da se često zbog sitnice izživciram i planem, pa kažem nešto što ne mislim i tako povrijedim ljude oko sebe, ali nadam se da će me to brzo proći. Volim biti dobra prijateljica i trudim se ostaviti dobar utisak prema svima. Ne volim gledati vanjski izgled ili financijsko stanje niti išta slično, ali ono što mrzim i što nikome ne dozvoljavam je da me neko iskorištava. Kada to osjetim kažem u lice sve, bez uljepšavanja, a na prijatelju je da procijeni da li je to uredu ili nije. Uvijek sam tu za pomoći, ali to ne znači da ću umjesto njega raditi obaveze koje ima.

U ljudima ima uvijek nešto da se promijeni i niko nije savršen, pa ni ja, ali se uvijek možemo potruditi da ispravimo ono što smatramo da ne valja.

N.N. 8.a

Ja

Rođena sam u Vukovaru,2000. godine, od oca..... i majke

Još od djetinjstva sam imala svoj stav i voljela sam da pomažem drugima. Kako sam rasla, stjecala sam puno prijatelja koji su se većinom uklapali u društvo u kojem su se nalazili. Nisam htjela biti poput njih. Vodim emisiju na radiju, što je većini mojih prijatelja

bez veze. Meni to ne smeta, to volim. Išla sam i na kick box–moj omiljeni sport. Svi su govorili da je to sport za muškarce, ali meni se sviđa. Nisam ih slušala. Mislim da ponekad idem i ispred mode. Oblačim se onako kako volim, što se meni sviđa i u čemu mi je udobno. Ne volim se mjeriti sa drugima. Mislim da je svako za sebe poseban. Kao što sam već rekla, volim da pomažem drugima, naročito drugovima iz razreda. Ako nešto ne znaju, rado ću im pomoći.

Mislim da lako izivciram ljude. To mi je prosto zabavno. Također mislim i da nemam prave prijatelje. Ne mogu vjerovati djevojkama, jer previše ogovaraju. Više volim da se družim s dječacima.

Veoma sam snalažljiva. To mi često dobro dođe. Nije me briga za mišljenje ljudi koji drugima žele loše. Bitno mi je moje mišljenje i moj stav o samoj sebi.

Sve sam to ja. I volim to kakva sam. Ne bih se mijenjala da mogu jer onda ne bih bila ja.

N.N. 8.a

Dragi ja,

Pišem ti iz dubine duše s najvećom mogućom iskrenošću.

Iako imaš tek 14, mnogo si toga proživio, imaš iskustva i znaš da život nije bajka. Mnogo prepreka te zaustavljalo, neke si lakše, a neke teže prelazio. Vidim da želiš biti od koristi i uvijek si spreman pomoći. I uspijevaš u tome. Imaš kolege koji te poštuju.

Nemoj se više svađati toliko sa svojim roditeljima i bratom, ne može sve biti po tvom. Njeguj odnose sa prijateljima, nastavi sa dobrim radom u školi i tvoja će budućnost biti svjetlija. Misli na druge, budi smiren i tako će tvoja okolina biti mirnija i ugodnija.

Smijeh uvijek pomaže – nemoj više biti baš toliko ozbiljan- jer niko to baš i ne voli, a smijeh će ti razvedriti dan!

Ovo pismo će ti pomoći u životu. Pratiš li ove upute možeš postati pravi čovjek!

Tvoj.....

17.12.2013.

Ja

Volim različite ljude i nikad mi nije dosadno. Ponekad se znam „pogubit“ i izluditi neke ljude. Volim pomagati ljudima, a onda osjećam neku toplinu iznutra. Nerviraju me umišljene i dvolične osobe. Ne volim kad se neko zeza na moja račun, ali volim zezati druge. Ne volim osobe koje glume da su ono što nisu. Nekad ogovaram druge ljude jer me izbace iz takta jer misle da sve znaju i da su najbolji.

Ponekad se znam smijati i po petnaest minuta , bez razloga. Volim kada uspijem nasmijati ljude i kada ih oraspoložim.

Kada sam u nekom novom društvu, ništa ne govorim i stidljiva sam. Volim se igrati s malom djecom. Obožavam slušati muziku: Ne vjerujem baš svakom. Kada nisam dobre volje sa svima se svađam i sve mi smeta. Roditelje često nerviram svojim ponašanjem.

Ne volim kada neki ljudi ismijavaju druge, samo zato što su drugačiji. Zašto ih ismijavati? Nismo svi isti.

N.N. 8.a

Dragi ja !

Mislim da ne treba da se mijenjaš zbog kritika ljudi koji te ne vole. Ali, zato moraš da prihvatiš savjete i mišljenja dragih ljudi.

Nemoj nikada da se podcjenjuješ. Koliko god se budeš trudila da ljudima pokažeš kakva si osoba, ipak se nekome na kraju nećeš svidjeti. Uvijek će postojati ljudi koji će željeti da te sruše s vrha. To nije razlog da prestaneš vjerovati u sebe. Sjeti se onih koji te vole i potrudi se da ih učiniš sretnima. Svoje vrline i dalje pokazuj, a svoje mane pokušaj da zataškaš u sebi i istovremeno ih pokušaj ispraviti.

No, nikako ne zaboravi da je najvažnije biti svoj!

Ljudi koji te najviše kritiziraju, u stvari , misle da nemaju mane. Ali niko nije savršen!

Tvoj Ja

Ja

Zaljubljeni sam nogometaš iz okoline Vukovara, točnije Borova. Rođen sam ne tako davne 1999. Godine u vukovarskoj bolnici. Sin sam svoje mame i tate, ali sam i brat moje sestre-jedne velike dosade.

Odmah da pređem na moj problem, a to je ljubav. Toliko sam smotan u ljubavi, da je to neopisivo, a pravim se da znam sve o njoj. Zaljubljen sam, da. U osobu za koju niko ne bi ni pomislio. Ako joj to kažem, ne znam što će se dogoditi. Možda bih zaradio ćušku, a možda i ne bih. Ma ko to zna....

Dalje ne znam što bih vam napisao, rekoh smotan sam, toliko riječi na svijetu ima, a ja ne znam s kojom da počnem. Toliko od mene smote.

Smoto

JA

Zovem se.....Naravno, kao i svaki čovjek, imam vrline i mane.

Jedna od mojih mana je to što sam jako osjećajna, što sam neodlučna u svojim željama. Željela bih da u životu budem odlučnija i zato se nadam da ću se vremenom promijeniti. Jedna od mojih dobrih osobina je ta što uvijek želim pomoći drugima, naravno, ako sam u mogućnosti. Nikad ne izdajem tajne jer znam da ni ja ne bih voljela da neko izda moju tajnu. Iskrena sam. Ne volim kada je neko dvoličan.

Voljela bih da iskorijenim neke moje mane, iako znam da ne postoji čovjek bez mana.

Ja

Ko sam ja

Mislim da sam neozbiljna i glupa, jer samo slušam muziku, ne učim i stalno spavam. Ne znam zašto, ali nema veze.

Upravo sam saznala što moji drugari misle o meni. Ima i lijepih i ružnih stvari, ali više lijepih. I to me jako obradovalo.

Neozbiljna ja

Pitam se

Prije nisam htio pomagati drugima. A sad- mislim da sam se barem malo popravio. Isto tako, mislim da znam čuvati tajne i želim pomoći prijateljima.

Žao mi je zbog nekih stvari iz prošlosti, na primjer bio sam zavidan.

Kada mi je stalo do nekoga, trudim se najviše što mogu.

Često mislim o budućnosti i učim na svojim greškama.

Volim se šaliti, zabavljati druge, ali ne ispadne uvijek najbolje.

Oko nekih stvari sam jako nesiguran i nisam dovoljno samostalan.

Želio bih da nešto postignem u životu.

Ja

Jaaaa

Za sebe mislim da sam zabavan, da svakoga mogu nasmejati vicevima i šalama. Nizak sam i bucmast (malo više), dobar folkloras i gitarista, imam smisla za crtanje.

Često se zaljubljujem i gotovo svim djevojkama vičem : „Volim te!“. Naravno, šalim se.

Prijatelje smatram braćom.

Pored roditelja i brata, velika podrška mi je prijateljica. Volim je! Hahahaha

Eto to sam ja.

Volim ja

JA

Zovem seŽivim u Borovu i kroz ovaj sastav ću pokušati da vam se predstavim.

Za sebe mislim da sam dobra osoba. Ako me neko zamoli za pomoć, rado ću pomoći. Ne volim da se družim sa osobama koje su dvolične i nemaju svoj stav. Ne volim bezosjećajne i nepravedne ljude.

Treniram odbojku četiri godine. Cilj mi je da budem profesionalna odbojkašica. Zato moram mnogo da treniram.

Volim životinje.

Najviše vremena provodim sa porodicom jer su mi oni najbolje društvo i uvijek su spremni da mi pomognu.

Moja najveća mana je to što sam previše osjećajna, a to u nekim situacijama nije dobro.

Željela bih da ostvarim svoj cilj.

Ja

Nisam ništa posebnija niti drugačija od mnoge djece. Priznajem da ima pametnijih, iskrenijih i boljih prijatelja od mene. Iako nisam najsavršenija, uvijek se trudim dati sve od sebe i pomoći svima kojima je pomoć zaista potrebna. Ne razmišljam ružno o mojim prijateljima i mislim da su svi posebni na svoj način.

Skromna sam, a skromnost cijenim u životu. Ponekad znam biti neodlučna, ali brzo riješim svoje nedoumice.

Eto to je mali djelić mene....

Skromna

Ja

Ja sam samo svoj, zatvoren u sebi, nepoznat za druge!

Ne dijelim informacije sa drugima.

Zatvoren

Ja

Sebe vidim kao osobu koja pokušava da nekog nasmije, ali mi se to uvijek odbije o glavu. Drugi smatraju da sam razmažen jer sam jedinac.

Lijep sam, pametan. Brzoplet, tvrdoglav i jako nezreo.

Ne volim što sam razmažen, ali to je posljedica toga jer sam bio jedini o kome je moja porodica brinula. Ali, nikada nisam imao puno stvari i to se vidi po tome što nemam svaki dan novu odjeću niti svaka dva mjeseca novi mobitel...

Važno mi je da moji prijatelji BUDU moji prijatelji, da pričaju sa mnom i da me ne izbjegavaju.

Razmaženko

Tražim nekoga!

Tražim djevojku koja zna slušati i razumjeti, mene, koji sam čudna biljka. Djevojku koja će slušati muziku 24 sata. Djevojku koja zna borilačke vještine, pa da usput i mene brani. Neko tko će ići sa mnom na utakmice, zamijeniti moju mamu u svemu. Treba da bude – žena, majka, kraljica.

Što još ona treba da zna o meni, osim onoga što može iščitati iz ovih redaka. Jedinstven sam i neponovljiv. Mnogo sam tvrdoglav, uporan, pa to nekada izađe na dobro, a nekada ne.

Volim sebe takovog kakav jesam. Iako imam puno mana, imam i vrlina. Poštujem tuđe, volim svoje.

Javi se !

Ja

Sebe smatram osobom koja je iskrena prema drugima. Jako sam osjećajna. Uvijek se smijem, volim se šaliti i pomagati drugima. Znam čuvati tajne i imam povjerenja u prave prijatelje.

Jako sam tvrdoglava u nekim stvarima. Ponekad znam da kažem nešto, a da prije toga ne razmislim. Poslije mi bude žao.

Mislim da sam dobra osoba, ali bih trebala iskorijeniti moju tvrdoglavost.

Tvrdoglava

JA

Smatram da sam pozitivna osoba koja uvijek iz svega pokušava izvući nešto dobro. Ako uradim nešto loše, pokušavam naći pogrešku i na mnoge načine je ispraviti.

Volim pomagati drugima. Tako oni budu zadovoljni, ali i ja se osjećam bolje kad učinim dobro djelo.

Uporna sam i uvijek pokušavam shvatiti nešto što mi nije jasno. Mislim da postajem vrlo odgovorna osoba i što sam starija, sve sam ozbiljnija i svjesna koje su prave životne vrijednosti.

Ne volim ništa tajiti, uvijek pokušam na neki način sve reći prijatelju u lice. Isto tako volim kada su drugi iskreni prema meni.

JA